

中国医药学大百科全书·藏方

藏方集编

中国医药学大百科全书·藏方集编

人民卫生出版社

新平知

知平知

PDG

中國藏學漢文歷史文獻集成

張羽新 主編

中國西藏及
甘青川滇藏區
方志彙編

第三十九冊

學苑出版社

PDG

圖書在版編目(CIP)數據

中國西藏及甘青川滇藏區方志彙編/張羽新主編.
北京:學苑出版社,2003.9
(中國藏學漢文歷史文獻集成)
ISBN 7-5077-1862-X

I. 中… II. 張… III. 藏族-民族聚居區-地方志-彙編-中國 IV. K29

中國版本圖書館 CIP 數據核字(2002)第 078995 號

ISBN 7-5077-1862-X



9 787507 718621 >

書名:中國西藏及甘青川滇藏區方志彙編(全 54 冊)
作者:張羽新 主編
總策劃:孟 白
責任編輯:洪文雄
出版發行:學苑出版社 E-mail:xueyuan@public.bta.net.cn
印刷裝訂:北京大興韓營古籍印刷廠
開本:850×1168 16 開本
字數:9900 萬字
版次:2003 年 9 月北京第 1 版
印次:2003 年 9 月北京第 1 次印刷
印數:1—120 套
定價:25800.00 元

第三十九冊目錄

越嶠廳志

1250

保縣志

裡塘志略

巴塘志略

503-

清平改土歸流史略

510-

鏘以光緒二十七年秋奉檄履越嚮任下車即以廳志詢諸生並刊給徵修廳志諭諸生多有言前紳馬襄鄰年丈有志稿亟從其三嗣君旭東茂才索觀之見其編次翔實哀然成六巨冊為越嚮設廳以來未有之盛事懿歎美哉顧其為書如天文星野久為志家所叢詬又祀典祠廟各志為各州縣所同均非本廳獨有之事皆可從刪至如全境輿圖漢夷戶口均皆不甚詳核余以為天下之大由州縣積非測量覈實無以施治於民越嚮僻在邊疆無明測繪學者營鈔浙江輿圖局程式稟請

前署督憲岑公開局測量准而未行遽調兩廣去矣又念中國戶口所稱四百餘兆者皆外人揣測之詞而各州縣詳報歲冊多係越嚮廳志示

保序

戶書仿造嘗刊定新式門牌上載

聖諭十

六條下載淺明規約而以各戶男女丁口列後編成字號用備稽查正擬發行余亦以被議去矣竊查四川通志內引越嚮舊志未見傳本道光初甯遠府志核與通志無大異同前擬開辦學堂因教輿地一科須從本地而起嘗屬臚士高培德編成越嚮要略所謂具體而微者已去年秋同年馬梓材明府奉諱里居以先丈志稿不忍久秘思交局排印以竟先人未竟之緒又以鏘從事修補有年屬為訂正余答以

朝廷新政方興舊章多所修改際此時代不如稍緩數年守此舊冊未善也適遵義憲仲常司馬分守是邦正奉

大學堂通飭遵式編纂鄉土志又奉

大憲檄催呈送廳志以備調查貽書前來敦促開印而春浦教授梓材明府兩昆季又以其續纂各條見示時會所迫殆有不得不然者耳余既卸越嚮篆於廳事本不必過問顧以數年心血亦不忍竟付銷沈兼以生平結習敝帚自珍耿耿在懷不能竟已爰據舊稿所載略為脩補凡襄鄰先生所編者曰原纂以春浦教授梓材明府所補者曰續纂以鏘所手訂者曰新增其中惟學校吏務較為詳備蓋學堂為今日各事之總匯而吏務則越嚮分駐之原因也是編宗旨不敢掠美前人全更體例亦不能拘守舊法昧所應增區區之心如是而已知我罪我則非鏘之所敢自知者矣是

越嚮廳志示

保序

為序時

光緒三十二年歲次丙午季春朔旦

賜進士出身降選教職前任四川甯遠府越嚮同知古明州孫鏘識於成都寓廬

序

夫志猶史也其來舊矣周禮小史掌邦國之志外史掌四方之志邦國云者王朝之志也四方云者卽今郡縣之志也我

朝大清一統志萃諸名家之麟筆蔚爲百代之鴻規故自

京畿而下屬在郡縣各自爲志俾得據以信今傳後而補史氏之所未備也昔江淹有云自古修史之難無出於志此後來君子之事耳嘗見雄州望縣文獻有徵或易纂輯成帙若夫邊荒夷地蠻花犵草之間如越嶠一廳舊屬邛部乃蜀省之南徼自昔簡篇闕略古蹟罕到雖有人心欲爲之恐亦無從稽考創始不綦難哉茲有本郡歲貢生馬襄鄰明經忠良不憚其煩窮數十年採訪之力

越嶠廳全志

唐序

率三令器纂輯告成於是乎邊郡越城居然有志矣何幸如之現據其季子拔貢馬枏攜稿句序於余披覽一過見其考据有本紀載詳明列星列宿列圖知其爲井鬼分野也曰郡曰衛曰廳知其沿革之互異也論其形勝則東望峨眉西接吐蕃南橫小相嶺北繞大渡河更知爲成都之西南屏藩也其他山川疆域戶口人又田賦物產以及政事之隆替時世之治亂蠻夷之順逆風氣之變遷莫不條分縷析俾人豁目賞心將見守斯土者自此可以驗民風而定因革察土俗以施政教皆於是賴焉洵足以信今而傳後者也昔宋儒眞西山曰凡爲此邦吏者不可無志書朱子知南康郡下車卽詢郡志識者以爲知務予忝守甯遠數載自到任時卽

欲倡修郡志屢詢紳耆奈以舊無全稿礙難創辦縱有一二採呈者率多挂漏迄未匯輯成編竟不果行今覽越嶠志竣大可於甯遠所轄者略見一斑竊喜馬氏橋梓煞費苦心克成厥志其有功於邊陲者非淺鮮也因不禁欣然而爲之序光緒二十一年桂秋之月上浣

欽加三品銜 賞戴花翎升補道二品頂戴 奏署成都府知甯遠事東鄉唐承烈書

越嶠廳全志

唐序

叙

夫國之有典家之有乘此志之所由昉也而府廳州縣之有志又爲全省通志之所本卽一朝會典之所攷據者也志顧不綦重哉稽古以來堯典舜典夏商周書唐虞三代猗歟盛矣孔子作春秋而筆削予奪之權正焉司馬遷作史記而治亂興亡之迹明焉陳壽作三國志其善叙事則稱有良史才者也自漢唐以迄宋明代有典章規制明備已惟我

朝之

大清會典一書爲立政之隆規固已軼宋明駕漢唐實與唐虞三代比隆矣顧自嘉慶十八年重修以來迄今八十餘年光緒十三

越嶠廳志

傳序

年

勅諭在廷重修會典

特簡總裁纂修協修諸臣開館譬校咨取天下各直省郡縣志以資採擇行文至越嶠廳承乏是邦詢以志書闕如攷越爲古西南夷地秦置郡縣漢司馬相如建節至蜀遂通印笮晉隋唐宋之間置縣改郡或改爲建昌府或棄爲邛都國王元時屬四川行省又屬雲南行省明洪武改置越嶠衛越嶠之名始此皇朝定鼎仍爲越嶠衛設教授訓導官道光間改越嶠通判爲撫彝同知易衛爲廳民樸俗厚惟漢蠻雜處治理繁劇蓋自庠序學校之教興詩書禮樂家誦戶絃彬彬乎邊隅之鄒魯矣今欲徵文

攷獻度必有賢人君子網羅掌故藏之名山傳諸其人者余同年

選拔生馬君湘奉其尊人襄鄰明經所輯稿本來見余爲就正於

唐冕周太尊訂其錯訛賜作序文一篇斯志已臻完善焉君又

問序於余余維拾遺補闕地方官之責也安能以不文辭詳閱志

載分門別類凡夫天地山川之形勝疆域城池之沿革學校黨庠

之樂育士習民風之樸純以及選舉科目政績武功衙署屯營古

蹟寺觀街衢市場農田水利閭閻戶口蠻夷土寨路徑橋梁物產

動植靡不詳且備焉誠足以信今而傳後矣而余竊有深冀者越

嶠爲邊疆控制蠻夷之區隘多防營居民鮮少今則生息繁滋二

百數十年之間沐浴

越嶠廳志

傳序

聖朝之雅化士世縉紳之業民安耕鑿之天忠信以爲甲冑禮義

以爲干櫓固已放牛歸馬永息諸夷擾攘之兵會看起鳳搏鵬復

視三代文明之盛也豈不懿歟余故樂斯志之補其闕略以聿觀

厥成也而叙之光緒二十一年六月中浣

賞戴花翎升用知府 特授越嶠軍糧府桐梓傳廉頓首拜撰

光緒丁丑夏軍糧府何公命余等五六人脩理越志舊志僅寫本
十餘頁他無所攷積月餘無成公亦謝任局散後因舊志及各卷
宗推廣參以雜探並老成之言粗成四卷挂一漏萬未質高明乙
酉丙戌間余遊定水於友人處獲讀四川通志凡有關越者概行
錄歸參入各條令門人及兒輩另錄然其書至嘉慶二十二年止
後無所攷如職官土職於是年後未能歷敘故甯越郡司從簡保
安都司從略叅府守備亦未能按次集載土職更難查閱兵制增
減未全核實悉載誠不可以爲書惟後有賢明欲成此事不無小
補藏不予觀者一恐見笑一恐遺失

丁亥冬廳人馬忠良遂菴氏記

男冊校訂

越嶲廳全志例言

一廳志向無傳本四川通志所引略見一二甯遠府志大都采錄通志雖有增輯無甚異同

一原纂創自光緒丁丑迄今計三十年馬襄鄰封君極一生精力竭意搜討稿已屢易封君故後少子梓材明府又多續纂藉觀厥成

欽定熱河志例也惟太陽出入隨節異時確可據依非同捫籥近世安岳縣志逐節與順天比較又似太瑣茲從簡要惟審畫長一方志關繫綦重廳屬漢夷雜居邊畔一開動煩

越嶲廳全志

例言

宵旰故

歷聖諭旨凡有關於地方者敬謹纂錄又如

宸翰所及亦足備一方掌故者約錄於篇皆補原纂所未及焉

一廳屬氣候各地攸殊廳城與大樹堡相若南界若小哨相嶺北界若保安海棠寒度較多茲亦分別言之藉資調燮

一方志以地圖爲要本廳左右夷巢本非測量所能及開從土人探訪又多語焉不詳惟前年法教士明秉鈞君贈我法文一圖由大相嶺起至王家屯止雖疆畧未詳而方位當比舊圖爲準拓開大幅添註小名庶幾差爲得實近日駐俄星使胡惟德用法人本譯成西藏全圖頒行來蜀余之用是此

物此志也

一古之越嶲非今之越嶲然嵩水嵩山均在廳界則界限不妨稍寬故沿革一條原纂附錄府志茲又增入

一統志越嶲廳沿革說表用備稽查

一廳屬山水源發夷巢自古不通往來遂成絕境間有行旅非鄉導不能行茲編所陳多從蓋關雖仿水經注體仍多挂漏之譏

一本廳爲四邊之一漢夷錯壤防堵爲難故關隘一門稍爲詳悉

一公署應列城池之後驛傳應列關隘之後原纂既已編定

越嶲廳全志

例言

各志自爲起訖無關大旨悉從其舊

一學校爲萬事總匯近日兵農工商無不基本於學本廳創建學堂一區規模未爲大備他日生徒鱗集逐漸擴充固意中事耳

一祠廟除祀典外本與寺觀例視惟近日創辦蒙小學堂以期教育普及則此等公宇正可借地開堂有則必登不嫌瑣屑

一本廳地屬夷疆兵事較民事爲亟故兵制武功屯田邊防各志較爲詳明猶李元度平江縣志詳團練始末意也一職官一志分汎本官附詳茲文武長官尙多闕略則未弁

更難稽查原纂所遺無憑輯補至歷任政績原纂寥寥數語漏略可知文獻待徵應俟來哲

一 聖蹟一志爲各方志所無惟世傳帝君降生越嶲則列在人物志前尙屬未乖大義

一 夷俗與漢俗不同其實燔黍捭豚茹毛飲血大都與我上古相倣惟有語言而無文字閒用唐古忒字識者亦不甚多茲將夷語加詳推而廣之庶幾用夏變夷之一助云

一 藝文一志章學誠氏議編文徵尙已越嶲僻陋在夷本無專書可纂茲從嘉慶四川通志例凡有文字散附各條如無事無人無地可附者仍存藝文志一門其中雅俗兼收亦過


而存之之意也

一 原纂細目之中又有總目一天文二地輿三食貨四賦課五禮典六武備七歷任八科目九人材十俗尙十一外紀十二紀事查公署驛傳列於賦課事不相因藝文錄於紀事尤爲挂漏概從刪削免致混淆

一 近日志家如秀山縣志有官事表潼川府新志有歷代兵事紀皆倣古人繫年錄意中國之西南夷其爲邊患久矣宋郭允蹈蜀鑑末附西南夷始末而宋以後則闕如余於此志撰有建南繫年錄因匆促成書未及印入俟周諮博采另謹單行

一 志書編纂原應考訂詳明如宋司馬溫公脩通鑑 本朝徐乾學脩 大清一統志類皆書局自隨鐫本降選人員行篋本無多種偶因流滯從事纂脩史學既非專長又字亦自知舛陋惟學堂之規畫夷務之經營與夫兵民生命之攸關未嘗不三致意也識者諒之 孫鏘又識

己辰歲田
 元會是圖
 楚限作粉
 筆墨是粉
 簪調而皮
 常調於偶
 平戶雲墨
 平戶雲墨
 請書簡豪
 夜巧簡豪
 方月永新
 奇告六衣



三儒先生小像
 古越王守圖於紫岩城



越嶠廳全志

編纂姓名

原纂

候選訓導本廳歲貢生馬忠良

續纂

六品銜陞授順慶府教授前永甯大竹縣教諭馬湘

同知銜雲南候補知縣歷署陸涼羅平等州馬枏

增脩

賜進士出身降選教職前任四川越嶠廳同知孫鏘

欽加知府銜四川候補同知署理越嶠廳同知蹇念恆

越嶠廳全志

編纂姓名

原分纂未詳

新採

越嶠廳學訓導庚午科舉人楊有成

議叙知縣癸卯補行辛丑恩科舉人陳在鑫

候選訓導廳歲貢生張純仁

留學日本師範生廳生饒應暄

留學浙江龍津學堂學生文陳毓麟

遊學成都廳生高培德

遊學成都高等學堂廳生饒應銘

遊學成都廳生高羣英

廳廩

遊學日本大坂實業預備學校廳生田學林

遊學成都和文傳習所廳生蔣福銘

遊學浙江龍津學堂廳生楊得春

遊學成都廳生高培祿

廳生戴本坤

柏香坪外委生戴崇高

籍書胡允齡

廳附生劉鴻賓

廳童程啓鈺

越嶠廳全志

編纂姓名

廳局

校對

遊學成都通省師範學堂廳生余瑞騰

遊學成都廳生周繼增

遊學成都武備學堂廳生周明鏡

遊學成都廳生馮銘

分給

廳局書

廳書

廳書

廳 廳

監

人張如金
生羅長明
明軒
安順場人

總繪

四川官報書繪圖房寫生王安

幼梅
浙江人

繙譯

夷語繙譯 邛部宣撫司頭目張啟文

本城人

越溝廳全志

編纂姓名

三

越嶲廳全志

序文

例言

編纂姓名

目錄

卷一 ○原稿是悉供天文星野今改錄如左而以圖畫附焉

聖諭

宸翰

天文太陽出入表 附彗

輿圖

越嶲廳全志 目錄

卷二

沿革 附府志備考 ○增疆域

城池 附志表說

古蹟 附志表說

卷三

方物

卷四

公署

驛傳 附志表說

卷五

形勢

水利

金石

鹽法 附志表說

物產

田賦 附志表說

戶口

蜀綏

學校 附志表說

卷六

兵制

土司

卷七

職官

卷八

選舉

卷九

聖蹟

越嶲廳全志 目錄

流寓 附志表說

卷十

風俗

卷十一

祥異

卷十二

藝文 ○原稿是悉供天文星野今改錄如左而以圖畫附焉

祀典 全○附今

祠廟 附志表說

武功 附志表說

屯田 附志表說

政績

封廕

人物 目○原分小

忠義

列女 附志表說

二

越嶲廳全志卷一之一

聖諭

康熙二十年八月己丑勇略將軍雲南貴州總督趙良棟奏建昌衛土司安泰甯招聚賊衆逆跡顯然請行剿滅

上諭建昌地關重要川陝總督哈占將軍王進寶四川巡撫杭愛等多方招撫土司安泰甯勿致生事若抗拒不服該將軍酌撥官兵速行剿除欽此

康熙四十一年六月乙丑兵部議准四川提督岳昇龍奏四川大涼山小涼山野獮向來梗化今獮目馬比必等率衆歸誠請授爲土千戶頒給印信

越嶲廳全志 卷一之一 聖諭

從之

康熙五十六年二月癸丑兵部議覆四川巡撫年羹堯奏越嶲衛阿羊蠻加巴貢子等擾害地方殺死官員臣調兵於十一月初八日抵越嶲差員曉諭仍前抗拒這臣卽登將弁堵截自十三日至二十七日攻克巴沽白石巖寨殺傷賊蠻數百加巴貢子遠竄臣於二十八日撤兵回省查加巴貢子等二逆應令該撫速行設法擒獲

從之

雍正元年三月甲申兵部議覆川陝總督年羹堯奏川陝事宜一建昌所屬越嶲衛地方甚爲寥闊每多蠻獮出沒搶奪

今僅設守備一員兵二百五十名實難分撥防禦請改設遊擊一見在守備卽爲中軍再添千總一把總一兵二百五十名分防彈壓下部議

從之

雍正四年四月戊子四川巡撫法敏奏川省邊界番夷干犯法紀者請一面會同督撫提鎮具奏一面相機擒拏治罪並請嚴飭督撫提鎮約束沿邊弁員務以安戢邊境爲主不得一毫需索以致開釁生事得

旨治內地當先寬而劑之以嚴治邊夷宜先威而繼之以恩方克有濟朕非好大喜功偏於殘忍之主此數處番夷咸沐

越嶲廳全志 卷一之一 聖諭

二

聖祖數十年寬仁厚德自應傾心向化總緣地方官不實心任事苛求見小激出事端復隱匿養姦致令伊恩不知威感不知畏所以大不法之案重見疊出今若照爾迂見而行爾能令所屬各員盡皆一塵不染乎儻再有不法事出將不肖員弁正法以謝罪於番夷乎抑別有料理之法乎若漫然不料事之始終亦並無深謀遠慮止據無稽之迂談奉爲指歸信而不疑是豈封疆大臣之職見耶今爾所見亦不可謂全無用處但尙非其時侯將此歷來不法之積習極力振作整頓一番使伊等懷然知法當遵知威可畏然後再行爾此奏嚴飭將弁屬員遵守弗違彼時可保地方百姓永遠享昇平之福也欽此

雍正四年十二月戊午朔四川巡撫法敏奏建昌所屬苗獍種類不一冕山賊蠻金格關壽阿租等狂悖不法從前並未殲其兇首因調漢土官兵分路進剿而金格等潛匿山箐茲又添兵深入梁山抄捕除各處調來土兵量給口糧外查官兵內地行走無支給口糧之例但官兵深入崇山峻嶺購米維艱與出口無異請暫照松潘戍守兵丁之例支給口糧於官兵應領米折銀兩陸續扣還得

旨向來官兵凡在內地行走者例不給與口糧朕思內地亦有遠近之分行走不無遲速之別宜酌加恩澤以獎勵勤勞今建昌官兵因進剿賊蠻已經深入梁山此地舊稱險遠並非內地可比而賊

越嶲廳全志 卷一之一 聖諭

三

徒金格等潛匿荒僻之區尚未授首見在官兵各處抄剿奮勇效力甚屬可嘉查前歲進剿南坪時官兵俱經給與口糧今進剿梁山官兵著照南坪之例一體支給口糧以示朕撫恤兵丁之至意欽此

雍正五年正月乙未川陝總督岳鍾琪奏普雄即梁山東通烏蒙鎮雄西接建昌南連雲南北達戛邊馬邊敘馬等營在烏蒙鎮雄恃為退步者卽此地也其中番族甚多而賊番金格等負隅抗拒從前調遣漢土官兵進剿金格等逃匿山箐復遣建昌鎮臣趙儒化林協副將張成隆等會同前往相機剿撫前後俘馘甚多所獲牛羊馬匹無算彼處番苗數十餘

族相率乞降鎮臣趙儒等隨加化誨令將逆首金格等拏獻茲於十二月初三日逆首金格阿租已經擒獻并誘擒關壽一併解省審究臣請仰仗

天威乘此勝兵將其餘番族一一招撫庶可一勞永逸得

旨賊番金格等依恃險僻肆行不法以搶奪為生且煽惑普雄一帶番苗負隅抗拒為地方百姓之害其來久矣當日岳昇龍年羹堯亦曾奏請用兵征剿皆未擒獲渠魁使兇苗革心革面前歲因賊蠻阿底加巴等搶奪不法遊擊蘇凱差遣兵丁追捕賊衆聞風遠颺該弁將阿租之父姑姑踢打身死阿租遂與其叔金格挾仇報怨晝夜聚衆劫擄鐵廠民人又將營兵魏國臣綁去砍死以祭姑

越嶲廳全志 卷一之一 聖諭

四

姑似此兇惡性成干犯法紀斷難寬貸是以朕允地方督撫提鎮之請令建昌總兵趙儒化林協副將張成隆等率領漢土官兵前往相機剿撫岳鍾琪悉心經理調度有方趙儒張成隆勇效力直抵普雄地方今據岳鍾琪奏報案峒賊衆咸知畏威懷德悉就剿撫將賊首金格阿租關壽三人擒獲投獻等語渠魁既已伏辜其餘黨再加詳悉料理安插則從此番地甯謐居民安堵甚屬可嘉岳鍾琪著該部議敘在事官員兵丁俱著加恩議敘賞資欽此

雍正六年二月壬午朔兵部議覆川陝總督岳鍾琪奏川省苗疆善後事宜一建昌土司惟河東河西宣慰司甯番安撫

司三處地方最廣而河東半近涼山半近內地請仍授安承爵之女安鳳英爲長官司約束涼山一帶其附近內地者俱改隸流官管轄至河西甯番偏近內地悉改歸流其阿都宣撫司阿史安撫司及紐結歪溪等土千百戶共五十六處一併改流近衛者歸衛管轄近營者歸營管轄並擇番苗之老成殷實者立爲鄉約保長令其約束一建昌舊設通判廳裁改置一府設知府一經歷一裁建昌衛及左中前三所禮州守禦所改置一縣其甯番鹽井二衛俱裁改置二縣各設知縣一典史一會川衛改併會理州移會川營千總帶兵一百名分防州屬之會理苦竹者保三寨以上一州三縣俱隸新

設府轄一建昌爲邊疆重地請於越嶲所屬之柏香坪添設守備千總把總各一駐兵三百名冕山貼近乾縣添設遊擊一中軍守備一千總二把總四駐兵五百名移冕山營中軍守備駐甯番衛城添兵二百五十名甯越營原設守備應改爲都司添設千總一兵一百五十名鹽井衛添設遊擊一千總二把總一兵二百五十名其原設守備改爲中軍守備帶把總一兵一百名移駐河西會川所屬之披砂添設遊擊一中軍守備一千總二把總四兵五百名再撥建昌鎮標中軍守備一兵八十名移駐建昌東之木托撥建昌鎮標右營遊擊一千總一兵二百五十名移駐建昌西北之熱水各

與該地之原設弁兵協同防守一苗民頑蠢性成地方文武官員如有勒索科派等弊應計贖治罪上司失察亦一併究擬一各衛所漢苗雜處田土交錯多有欺隱致相訐告地方官應於農隙之時履畝親勘務俾各守己業永杜爭端一苗獠等類每爲漢人奴婢應令地方官查明稟行發還如果有身價酌量追給贖回違者治罪一番漢交界之處每月立定場期三次彼此公平交易該管官差兵役稽查不許漢民用強短價及兵役藉端掊勒其或私入夷穴交易別有勾結情弊從重治罪地方官失察者一併議處一苗民既知向化即與齊民無異令該管流官一體編入保甲互相稽查一禁止

漢民誘騙蠻人什物儻被控告訊實照例追贖治罪外如有兇蠻無故將漢民綁擄以及被漢民誘騙不告官司肆行綁擄者將惡蠻從重治罪一苗蠻散處邊方每有此處土司所轄而居住彼處者遇有事故每多隱漏應令該管官編造戶冊分清住址儻有事故即於地方追究一苗獠舊俗多以利刃隨身口角細故逞兇殘殺今既改土歸流應飭地方官轉飭該管頭目人等嚴行查禁不許帶刀出入並不許私藏鳥槍違禁等物一苗民散處山箐易於逃遁如遇地方失事汛官帶兵巡捕地方官差役嚴拿並移會鄰汛協力窮追務獲如有徇庇疏縱及牽累良苗者將該管官弁分別議處